


## Birasdáidda

<b>Geasa:</b> Buot luohkkádásit	<b>Gos:</b> Skuvla lagašluonddus
<b>Meahcepássa oassi:</b> Buohkaidrivttit/Luonddus lihcadeapmi	<b>Goas:</b> Buot jagiáiggit
<b>Oahppanmihttomearit:</b> Oahpásmuvvat buohkaidrivttiide geavadis seammás lagašluonddu dárkodettiin.	<b>Dárbašat:</b> Listu buohkaidrivttiin ja dáiddaduoji temáin, kámera
<b>Bistin:</b> Sulaid 45 min	<b>Olmmošresursat:</b> 1

## RÁVVAGAT

1. Juoge oahppiid sulaid njealji oahppi joavkkuide. Ohcct luonddus rabas báikki dahje muđuid dáiddabargui heivvolaš guovllu.
2. Atte joavkkuide bargun dahkat birasdáiddaduoji luonddumateriálain. Sohppet ovttas buot joavkkuid guovdu dáiddaduoji dahkamii heivvolaš áiggi (sulaid 20-30 min). Muittut oahppiid buohkaidrivttiin.
3. Go áigi lea gollan ja joavkkuid duojit gárvát, sáhtta iešguhtege joavku čájehit duojis eará joavkkuide. Duoji čájehtiin sáhtta smiehttat ovdamearkan čuovvovaš áššiid: Maid duodji čájeha? Gos idea bođii? Makkár jurdagiid duodji bokta geahččiin? Hirpmástuhtiigo muhtun luonddus gávdnon tiŋka?
4. Loahpas luonddus gávdnon ruskat dolvojuvvojit ruskalihtái, muđuid dujiid sáhtta guođđit sadjásis geahččama várás.

Dán duojis luohkká/joavku galgá buvttadit dáiddaduoji luonddus ožžojuvvon materiálain (geađggit, bihcebázát, lasttat, oavssit, ruskkat, šattut...). Ovdal barggu álggaheami lea buorre muittašit juohkeolbmorivttiid; ovdamearkan ealli muorain ii oaččo doadjit ovssiid, sámmála ii oaččo gaikut iige luondduvidá ealliid headuštít mange láchkai. Buohkaidrivttit leat Meahcepássa-gihppagis. Dálvit diedusge ávkkástallat muohttaga: muohttagis sáhtta dahkat dujiid eatnamii dahje allodatgovvan stuorra muoraid rungguide.



Ollašuhhtinmolssaeavttut leat mánggat:

- Olles joavku sáhtta dahkat seammá temás.
- Juohke joavku sáhtta válljet muhtuma temáin.
- Oahpaheadji čállá temáid báhpárii ja juohkehaš joavku sáhtta "loktet háhtas" temá.
- Juohkehaš hutká iežas fáttá.

**Joavkku mánáid/nuoraid sáhtte láidet duddjot dáiddaduojs muhtun temá mielde:**

- **1.–3. lk:** Uldda čiehká, Beassi, Njoammila stoahkašillju, Mohkit mátkkis, Rovvá/Hearrá Vuovdeheagga, Min jellativdnámet, Spire ja sálaš, Bivdotuvrra
- **4.–6. lk:** Čihkosiin, lešgova, Mohkahallamiin ja skirvehallamiin, Biebmogoallus: biđejeaddjis spirii, Mu beassi, Dološ meahcebivdi
- **Badjeskuvla:** Mun ja luondu, Ruskaid birrasis, Olmmoš ja gumpe, Biebmofierbmi, Olbmo beassi, Romis ja čáppa, Sápmelašvuohta, Meahcebivdit
- **Logahat:** Dálkkádatrivedan, Mun ja luondu, Meahcevázzi stuorra niehku, Suvdilis guolle-/meahcebivdu, Gávpotlaš bivdá, Dán háliidan seilluhit boahttevaš sohka buolvvaide, Evolušuvdna, Biras kriissas!

## DUOGÁŠ

### Mii lea birasdáidda?

Wikipedia meroštallá birasdáidaga čuovvovaš vugiin:

*"Birasdáidda (engl. environmental art) lea huksejuvvon kulturbirrasii dahje luonddubirrasii dahkon dáidda. Birasdáiddaduojsi sáhtta leat maiddái dahku, dáhpáhus dahje proseassa. Birasdáiddan sáhtta lohkat maiddái dáidaga, mii gieđahallá ekologalaš áššiid."*

### Liŋkageažideapmi

- Oza inspirašuvdna gova Googles ohcansániin "environmental art":  
[https://www.google.com/search?q=environmental+art&rlz=1C1GCEB\\_enFI961FI962&source=lnms&tbm=isch&sa=X&ved=2ahUKEwjnrKuh5LyAhWI\\_yoKHZ4YAv0Q\\_AUoAXoECAEQAw&biw=2046&bih=1033](https://www.google.com/search?q=environmental+art&rlz=1C1GCEB_enFI961FI962&source=lnms&tbm=isch&sa=X&ved=2ahUKEwjnrKuh5LyAhWI_yoKHZ4YAv0Q_AUoAXoECAEQAw&biw=2046&bih=1033)

